

Cetyawj “Mbanj Hakseuq Ciuhgonq” Lingzconh Gyanghdouzcouh Cunh

走进“百年清官村”灵川江头洲村

□ Dangz Coz/唐卓 ingj/sij

Faex hung bakmbanj haj bak bi, raemh cw gizdieg liengzswdswd.



▲ Dah iq raemx sawyau, ngauez giuzrin doenghyeb.



▲ Bakmbanj daengi gep baiz, heuh vunzlai henhoh.



▲ Ranzgeq aen daeb aen, yawjraen cix haenh lengj.

► Ndaw ding gyaiez va' ngauez, hawi vunzraez naemi ngeix.

Ndwen gonq, gou miz caijsq ndaej bae daengz Gveilinz Si Lingzconh Yen Giujvuz Cin Gyanghdouzcouh Cunh aen mbanj ciuhgonq Cungguk gaujsenj bouxguhak ndaej ceiq ak haenx, youq ndaw “vwnzva gyaiez va' ngauez” caemx mbat ndeu, yawjraen lailai, siengjngeix caemh lailai.

Mbanjgeq Gyanghdouzcouh daengx mbanj miz 120 lai ranz gungh 700 lai vunz, 90% doxhwnj singq Couh. Ciuq sawgeq aenmbanj geiq naeuz, goengcoj singq Couh aen mbanj neix Couh Siuvang dwg daih 14 daih lwglan guk raeuz ciuh Bwzsung boux vwnzyozgyah、cezyozgyah okmingz Couh Dunhyi, youq mboengq gyang Hungzvuj yenznenz Ciuhmingz (1368 nienz) couh daj Huznanz Daucouhfuj Yingzdau Yen okrog guhhak doeklaeng daengz Gyanghdouzcouh youq roengzdaeu, gvaq saedceij sanj daihlaeng ungganq yinzcaiz. Gij lwglan singq Couh Mbanjgyanghdouzcouh, ciuqei gij son'gyauq goengcoj Couh Dunhyi: “Ndaw boengz didmaj mbouj uq boengz, raemxsaw swiq cingh mbouj iu ndiengq.” Doq

raeq nazreih doq son saw ciengx lwglan. Daj Ciuhcingh Genzlunz nienz gvaqdaeu, aen mbanj neix gonqlaeng gauj hwnj siucaiz geij bak vunz, gijyinz 31 vunz, cinsw 8 vunz, sugizsw 13 vunz; daengx mbanj gungh ok bouxhak 168 vunz, dang daengz hajbinj doxhwnj miz 3 vunz, gizdieg guhhak sanq doh daengx guk. Gou baez byaij haeuj ndaw mbanj, couh gamjsouh daengz cungj heiq sohswd ciuhgeq aenranz mizmingz haenx, daegbied dwg gij ranz cien heu vax mong、sanranz hungsang、sangsang daemqdaemq、yiemhranz doxdaeb、yienghceij gaeuqgeq、dou cueng deu va、roen iq rinrai... Gijneix cungj yienh'ok gij daejna vwnzva lizsij ranzcaep ciuhgeq Yenz Mingz Cingh sam ciuh neix. Aenmbanj ing bya dep raemx, yiengh gingi gyaunde, seiq mienh byasang hophumx, lumj boux bing nei hen maenh daengx mbanj; baihnaj aenmbanj dwg doenghnaz gvangqlangh bingzbwd ndeu, sam diuz dah iq raemxsaw laeretret hopngomx aenmbanj lae coh baihnaz; baihlaeng mbanj bya loeg faex heu, faexgeq sang' vid. Giz ceiq yinx

vunz de cix dwg gwnz goemqdou ndaw mbanj cungj venj miz gep baiz hakgaep caeuq ciengfung vuengzdaeq, “genhswng”、“dungzcih”、“cihyen”、“daisijdi”…… baez geq miz baenz 200 lai gep, ca mbouj geijlai ranzranz cungj miz hakgaep, ranzranz cungj dwg ranzhak, mbanj lij venj miz baizdou “bohlwg hanlinz”、“seiq daih gijyinz” dem. Aen mbanj neix youq ciuhgeq 80% vunzmbanj dang hak gvaq, aen mbanjbya iq ndeu, miz baenzlai cinjsw、gijyinz, vanzlij miz baenzlai vunz okbae danghak, mboujdan dang daengz hakhung, ndaw fwngz miz gienz ak, vaizlij bouxboux mbouj yak mbouj maeuz, lenzgez danghak, gijneix caen hawj vunz geizheih haenhdanq.

Aen mbanj neix 2005 nienz ndaej soengq hawj “Cungguk aen mbanj guh lijyouz ceiq mizmuengh ndeu”; 2006 nienz 5 nyied ndaej Gozvuyen goengbous guh “daengx guk cungdenj vwnzvuz baujhu danhvei”; 6 nyied Gyanghdouzcouh gyaiez va' ngauez vwnzva ndaej senj haeuj Gvangjsih feihvuzciz vwnzva yizcanj mingzloeg.



▲ Baiz bohlwg hanlinz, hawj vunz yawj dadaengx.



▲ Cingj ciuhgeq lij ce, raemx de saw youh seuq.



▲ Haj daih ok cihyen, ranzden cungj najrongh.



◀ Byaij haeuj Gaicinsw, ra rizlw ciuhgonq.